



文



信

國



篇



文信國篇目次

文信國公傳略

奉詔勤王廣徵豪傑	一
抗論議和被奸拘執	四
夜亡真州起兵汀漳	五
兵變被囚求死不得	八
慷慨陳詞不爲利動	九
威武不屈從容就義	一一

文劄

與湖南大帥江丞相論秦寇事宜劄子	一四
-----------------	----

提刑節司與安撫司平寇循環歷……………一七

忠孝提綱序……………五七

指南錄自序……………五九

宣州勸農文……………六三

告先太師墓文……………六六

書牘

謝陳尚書宜中……………六八

與湖南陳提舉合……………七〇

覆永州楊守履順……………七一

覆岳縣尉書……………七二

與劉正伯書……………七三

慰趙監承淇書

七五

與方伯公書

七六

獄中家書

七八

詩

紀事

八〇

紀事

八三

氣概

八四

真州雜賦

八五

發通州

八八

揚子江

八九

聞鷄

九〇

稽莊卽事	九〇
憶太夫人	九一
南海	九一
感傷	九二
虎頭山	九二
南安軍	九二
臨江軍	九三
自歎	九三
求客	九四
夜走	九四
過零丁洋	九五
戰場	九五

贛州	九六
有感	九六
自述二首	九七
不睡	九九
空坑敗被執二周年感懷	九九
高沙道中	九九
哭金路分應	〇六
海上大戰國事不濟哭之以詩	〇七
六歌	〇九
已卯權狴狂有感	一一
哭母大祥	一八
正氣歌	一九

第四民族英雄文戚史集

文信國益口次

六

胡笳曲

出獄臨刑詩歌

一一
一一
一一
一一

文信國公傳略

奉詔勤王廣徵豪傑

公名天祥。字履善。一字宋瑞。宋吉水人也。貌豐偉。美皙如玉。秀眉長目。顧盼煒然。爲童子時。見學宮所祠鄉先生歐陽修楊邦義胡銓像。皆諡忠節。欣然慕之。曰。沒不俎豆其間。非丈夫也。理宗寶佑四年。二十舉進士。以法天不息對策。其言萬餘。帝親擢第一。考官王應麟奏曰。是卷古誼若龜鑑。忠肝如鐵石。臣敢爲得人賀。度宗咸淳六年。直學士院。時賈似道以去要君。帝勉留益堅。命公草制時。

每先呈稿於相。天祥不從。似道意不滿。諷別院改作。天祥
函求解職。似道使臺臣劾罷之。德祐元年。元兵三道大人。
詔天下勤王。公提刑江西。奉詔流涕。發郡中豪傑。結溪洞
山苗。以萬人入衛。其友止之曰。子是行何異驅羣羊而搏猛
虎。公曰。吾亦知其然也。第國家養士三百年。一旦有急。
徵天下兵。無有應者。吾深恨於此。故不自量力。而以身徇
之。庶天下忠臣義士。將有聞風而起者。而社稷或有可保也
。性豪華。自奉甚厚。聲伎滿前。至是痛自貶損。以家資爲
軍費。每與賓佐語及時事。輒流涕撫几言曰。樂人之樂者憂
人之憂。食人之食者死人之事。八月。提兵至臨安。除知平

江府。時朝議擢呂師孟爲兵部尙書。欲賴以求好。師孟益偃蹇自肆。公降辭。疏言朝廷姑息牽制之意多。奮發剛斷之義少。乞斬師孟釁鼓。以作將士之氣。且言本朝懲五季之亂。削藩鎮。建都邑。一時雖足以矯尾大之弊。然國以寢弱。故敵至一州。則一州破。至一縣則一縣殘。中原陸沉。痛悔何及。今宜分境內爲四鎮。建都統御於其中。以廣西益湖南。而建闔於長沙。以廣東益江西。而建闔於隆興。以福建益江東。而建闔於番陽。以淮西益淮東。而建闔於揚州。賁長沙取鄂。隆興取蘄黃。番陽取江東。揚州取兩淮。地大力衆。乃足以抗敵。約日齊奮。有進無退。日夜以圖之。彼備多力

分。疲於奔命。而吾民之豪傑者又伺間出於其中。如此則敵不難却也。時議以爲迂闊。不報。比至平江。元兵已發金陵。入常州矣。常州告急。公使尹玉麻士龍等。將兵赴援。士龍戰虞橋死。玉戰五牧。前後殺傷數千人。收復殘卒五百。與元兵相持。一夕手殺數十人。遂死。麾下無一人降者。

抗論議和被奸拘執

二年。除公樞密使。尋以爲右丞相。使與丞相吳堅等。同往元軍議和。與元丞相伯顏抗論。皋亭山說伯顏曰。北朝若以宋爲與國。請退兵平江。或嘉興。然後議歲幣與金帛犒

師。北朝全師以還。策之上也。若欲毀其宗社。則淮浙閩廣
尙多未下。利鈍未可知。兵連禍結。必自此始。伯顏以北詔
爲辭。顧公舉動不常。疑有異志。留之軍中。遣堅還。明日
吳堅賈餘慶呂師孟等。奉降表至。公斥餘慶賣國。呂文煥從
旁論解之。公斥文煥。及其姪師孟父子兄弟。受國厚恩。不
能以死報國。乃合族爲逆。尙何言。文煥等慚恚。伯顏遂拘
公。隨祈請使北行。

夜亡真州起兵汀漳

公至鎮江。與其客杜濬等。夜亡入真州。真州苗再成出

迎。喜且泣曰。兩淮兵足以興復。特二閫小隙。不能合從耳。公卽以書遺二制置。時有揚兵脫歸者。言元密遣一丞相入眞州。說降。制置李庭芝信之。以公來說降也。使再成亟殺之。再成不忍。給天祥出相城壘。以制司文示之。閉之門外。久之復遣二路分覘。果說降者卽殺之。二路分與公語。見其忠義。亦不忍殺。以兵二十人。道之如揚。四鼓抵城下。聞侯門者曰。制置司下令。購文丞相甚急。衆相顧吐舌。公乃變姓名。東入海道。遇元兵。伏環堵中得免。然亦饑莫能起。從樵者乞得餘糲羹。行入板橋。兵又至。衆走伏叢篠中。兵入索之。執杜潛金應以去。潛應以所懷金與之得逸。因

募二樵者。以費荷天祥至高郵。由通州汎海。以達温州。益王卽位拜右丞相。兼樞密使。都督諸路軍馬。公以國事皆決於陳宜中。固辭不拜。乃以爲樞密使。同都督。公使呂武招豪傑於江淮。杜濟募兵於温州。公欲還温州。進取。陳宜中不從。使開府南劍州。取江西。遂帥師次汀州。遣趙時賞等。趨贛以取甯都。吳浚取零都。劉洙等皆自江西起兵來會。端宗景炎二年。公移屯漳州。吳浚以汀州降元。二月。浚至漳州。說公降。公責以大義誅之。三月。公復梅州。陳瓚起兵復興化。公自梅州出江西。吉贛兵皆會。遂復會昌縣。六月。敗元軍於零都。七月。使趙時賞等分道復吉贛諸縣。遂圍

贛州。八月。元兵襲公於興國縣。兵潰時。趙時賞爲元兵所擒。問爲誰。曰。我姓文。以故公得與杜濟鄒鳳乘騎逸去。至循州。散兵頗集。公妻子皆被執。元人送於燕。二子道死。

兵變被囚求死不得

帝昺祥興元年。公以弟壁及母在惠州乃趨之。收兵出海豐縣。次麗江浦。十一月。公屯潮陽。方飯五嶺坡。張宏範兵突至。衆不及戰。公被執。急吞腦子不死。見宏範以客禮待之。與俱入次山。使爲書招張世傑。公曰。吾不能報君父。乃教人叛君父可乎。固命之。乃書所過零丁洋詩與之。末云

。人生自古誰無死。留取丹心照汗青。宏範笑而置之。崖山破。軍中置酒大會。謂公曰。國亡。丞相忠孝盡矣。能改心以事宋者。事今將不失爲宰相也。公泫然出涕曰。國亡不能救。爲人臣者。死有餘罪。况敢逃其死而喪其心乎。宏範義之。遣使護送至燕。道經吉州。痛恨不食。八日猶生。乃復食。

慷慨陳詞不爲利動

至燕館。人供帳甚盛。公不寢處。坐達旦。遂移兵馬司。設卒守之。旣而丞相博羅。招見於樞密院。欲使拜。公長揖不屈。博羅曰。自古有以宗廟土地與人。而復逃者乎。公

曰。奉國與人。是賣國之臣也。賣國者。有所利而爲之。必不去。去者必非賣國者也。予前除宰相不拜。奉使君前。尋被拘執。已而賊臣獻國。國亡當死。所以不死者。以度宗二子在浙東。老母在廣故耳。博羅曰。棄德祐嗣君。而立二王忠乎。公曰。當此之時。社稷爲重。君爲輕。吾別立君。爲宗廟社稷計也。從懷愍而北者。非忠。從徽欽而北者。非忠。從高宗者爲忠。博羅語塞。忽曰。晉元帝宋高宗。皆有所受命。二王不以正。是篡也。公曰。景炎乃度宗長子。德祐親兄。不可謂不正。登極於德祐去位之後。不可謂篡。陳丞相以太后命。奉二王出宮。不可謂無所受命。博羅怒曰。爾